

Ku soo dhawoow dugsiga Kleppskulen



Buugyare warbixineed oo ku socda
waalidka ardayda ajnabiga ah oo ku
saabsan wadashaqaynta guriga iyo dugsiga

Wadashaqaynta guriga- iskuulka

Waa muhiim in iskuulka iyo gurigu wadashaqayn fiican samaystaan. Si ay suurtagal u noqoto waa in xidhiidh fiican la yeesho. Wadashaqaynta wacan waxa ay xoojinaysaa waxbarashada, qanansanaanta iyo kalsoonida ardayga.



-Haddii aad war fiican ka sheegtaan iskuulka waxa ardayga u wanaagsanaanaya iskuulka -

Turjumaan

Turjumaan ayaa adeegsan kartaan markaa aad la shaqaynaysaan iskuulada degmada Klepp. Iskuulka ayaa dalbanaya turjumaan. Iskuulka u sheeg haddii aad u baahan tahay.

Masuuliyadda waalidka

Waxyaalaha muhiimka ah waxa ka mid ah:

In ilmuhu helo:

- Quraac iyo cunto iskuul oo nafaqo leh
- Hurdo ku filan

In ilmuhu haysto:

- Dhar ku habboon hawada
- Alaabta iskuulku uga baahan yahay (tusaale dharka jimicsiga, kabaha gudaha, boorsada iskuulka)

Waalid ahaan in ay:

- Yimaadaan kulamada ay la hadlayaan macalinka (kulanka waalidka, shirarka waalidiinta)
- Yimaadaan shirarka waalidiinta iyo kulamada wadashaqaynta ee dugsiga
- Ka jawaabaan farriimaha dugsiga
- Dugsiga soo ogeysiiyaan haddii ilmuhunka maqnaanayo xannuun dartii ama wax kale (balan dhakhtar ilko, dhakhtar caadi ah)
- Ilmaha fasax u codsadaan haddii uu fasax ka qaadanayo dugsiga
- Macalinka la xidhiidhaan haddii ay wax fahmi waayaan – su'aaluhu waa wax caadi ah!
- Ilmaha caawiyaan/dhiirigeliyaan marka ilmuhu ka shaqaynayo layliga, iyo inay habsaadaan in ilmuhu samaynayo
- War wacan u sheegaan ilmaha marka ay ka sheekaynayaan dugsiga

Idinka ayaa waalid ahaan leh masuuliyadda guud ee tarbiyadda iyo waxbarashada idinkoo la shaqaynaya dugsiga.

Masuuliyadda dugsiga

- In ay waalidka ka taageeraan waxbarashada iyo tarbiyadda
- In ay ka qaybqaataan horumarinta bulshanimada iyo waxbarashada ilmaha
- In ay sahaan xidhiidh iyo wadashaqayn wacan lala yeesho dugsiga
- In ay waalidka la yeeshaan wadahadal/shirar waalid. Waa dugsigu cadeeyo waxbarashada iyo isbeddelka ilmaha
- In ay abuuraan bey'ad waxbarasho oo kobcinaysa caafimaadka, qanacsanaanta iyo waxbarashada
- In ay sahaan ka qaybqaadashada ardayga

FURSADDA WAKHTIGA FIRAAQADA (SFO)

Dugsiyada hoose waxa ay leeyihiin fursadda wakhtiga firaaqada oo loogu talagalay fasalada 1-4. Waa adeeg waalidku bixinayaan lacagtiisa.

Waxannu idin kula talinaynaa inaad adeegsataan SFO, waayo carruurta waxa ay halkan ku adeegsanaysaa oo ku baranaysaa af-noorweyjiga. Marka ay dadka kale la joogaan waxa ay helayaan tabobar luuqadeed iyo mid bulsheed.



Qaybo ka mid ah Xeerka waxbarshada

§ 1-1 Ujeedada waxbarashada

Waxbarashada dugsiyada iyo shirkadaduhu waa in, iyagoo la shaqaynaya oo afgaranaya guryaha, ay furaan albaabada aduunka iyo mustaqbalka oo ay ardayda iyo layliyada siiyaan fahan iyo aasaas taariikheed iyo dhaqameed.

§2-1 Xaqa iyo waajibaadka waxbarashada aasaasiga ah

Waxbarashada aasaasiga ah waa in ay caadiyan bilaabmato sannadka ilmuhu buuxsamo 6 sanno. (...) Xaqa iyo waajibaadka waxbarashadu waxa ay soconaysaa ilaa sannadka ilmuhu ka baxayo fasalka tobnaad. (...) Haddii ardaygu isagoo aan xaq u lahayn ka maqnaado waxbarashada waajibka ah, waxa waalidka ama dadka ka masuulka ah ardayga lagu ciqaabi karaa ganaax lacageed haddii maqnaanshuhu yahay mid kas ah ama oggaansho ah.

§2-3a Ka fasax qaadashada hawlaha wax

Haddii waalidku soo qoro farriin qoraal ah, ardaygu fasax ayuu ka qaadan karaa qaybo ka mid ah waxbarashada dugsiyada bixiyo oo marka la eego diintiisa ama waxa uu aaminsan yahay ula muuqda oofinta diin kale ama ku biirida diin kale, ama uu u arko wax dhib iyo xadgudub ku ah. Qasab maaha in la sababeeyo fasax qaadashada loo cuskaday qoddobka koowaad.

§2-8 Waxbarasho luuqadeed oo u gaar ah ardayda leh af-hooyo kale

Ardayda aada dugsiyada hoose/dhexe ee leh af—hooyo oo aan ahayn af-noorweyji ama af-saami waxa ay xaq u leeyihiin in la siiyo waxbarasho af-noorweyji oo u gaar ah ilaa inta ay ku hadlayaan noorweyji ku filan oo ay kula socon karaan waxbarashada dugsiyada. Haddii loo baahdo, ardayda noocaas ahi waxa ay xaq u yeelanayaan barashada afka hooyo, waxbarasho laba luuqadood ku baxda ama labadaba.

Dhibta ka iman karta ka fasax qaadashada maadooyinka

Xeerka waxbarashadu waxa uu dhigayaa in ardayda la baro dhammaan maadooyinka waajibka ah.

Fasax qaadashadu dhib ayey ku keeni kartaa ardayga marka ay geleyaan dugsiga sare. Haddii ardaygu fasax ka qaato hal maado/qaybo ka mid ah hal maado, waxa dugsiga waayayaa wax uu ku qiimeeyo ardayga. Waxa markaa dhici karta in ardaygu soo geli waayo dugsi sare.

Taas daraadeed waxa muhiim ah in aad waalid ahaan la hadashaan dugsiga haddii aad fasax ka rabtaan hal maado ama qaybo ka mid ah. Waa in la habsado in arrinkaasi uu ardayga dhib ku keenayn mustaqbalka.

Noorway iyo Klepp waxa caadi ah in ardayda oo dhan ka qaybgasho diinta, jimicsiga iyo dabaasha.



Klepp kommune